



Ի՞նչ են **էկոպիտակները** ?

Տեղեկատվություն արտադրողների համար



Պիտակներ, որոնք օգնում են սպառողներին ընտրել հատուկ բնապահպանական և սոցիալական չափանիշներին համապատասխանող ապրանքներ և ծառայություններ:



Գործիքներ, որոնք պաշտպանում են շրջակա միջավայրը և միևնույն ժամանակ օգնում են իրենց ապրանքներով կամ ծառայություններով տարբերվել մրցակիցներից:



Գովազդման միջոցներ, որոնք խթանում են ապրանքների և ծառայությունների վաճառքը:



Շուկայական գործիքներ, որոնք կամընտրական են:

Գիտե՞ի՞ք, որ... ?

Վերջին **6 տարիների ընթացքում**¹ էկոլոգիապես մաքուր շուկայական ապրանքների վաճառքն աճել է երկու անգամ ավելի արագ, քան սովորական ապրանքներինը:
Գոյություն ունի տնտեսական մոդել՝ աճող սպառողական հատվածին, ներառյալ երիտասարդ սերնդին, ավելի շատ էկոլոգիապես մաքուր ապրանքներ եւ ծառայություններ առաջարկելու համար:

25 երկրներում վերջերս անցկացված հարցման արդյունքում հարցվածների **64%-ը** նշել է, որ կցանկանային նվազեցնել իրենց անձնական ազդեցությունը շրջակա միջավայրի եւ բնության վրա, իսկ **44%-ը** իրենց ներկայիս ազդեցության համար մեղավոր էին զգում²:

Սպառողների նախապատվությունը փոխվում է ամբողջ աշխարհում, ոչ միայն զարգացած շուկաներում, նոր ձեւավորվող կամ զարգացող շուկաներում հարցվածների ավելի քան **35%** (զարգացած շուկաներում հարցվածների **28%-ի** համեմատ) նշել է, որ նրանք գնում են էկոլոգիապես մաքուր արտադրանք³:

ԵՄ-ի Արեւելյան գործընկերության տարածաշրջանում միայն Ուկրաինան ունի I տիպի էկոպիտակ՝ «**GREEN CRANE**», որը շնորհվում է անկախ հասարակական կազմակերպության կողմից⁴: Մոլդովան նույնպես ազգային էկոպիտակ է մշակում:



¹ Sustainable Market Share Index. Center for Sustainable Business, 2021.

² GlobeScan, 2022.

³ Euromonitor International, 2021.

⁴ Green Crane Ecolabel, n.d.

➔ www.eu4environment.org

© 2022 ՄԱԿ ՇՄԾ. Բոլոր իրավունքները պաշտպանված են: Արտոնավել է ելիտարությանը որոշակի պայմաններով

Action implemented by:





Էկոպիտակների տարբեր տեսակները

Տեղեկատվություն արտադրողների համար

Պիտակների վերաբերյալ ընդհանուր տեղեկություններ և դրանց կիրառումը շրջակա միջավայրի պահպանության առաջատար պրակտիկայում

	Էկոպիտակ Տիպ I	Հավաստագրման սխեմա կամ էկոլոգիապես մաքուր պիտակ Տիպ I-նման	Ինքնահայտարարագիր Տիպ II	Բնապահպանական արտադրանքի հայտարարագիր Տիպ III
ԻՍՕ հղում	ISO 14024		ISO 14021	ISO 14025
Ստուգված է երրորդ կողմի կողմից	✓	✓	Չի պահանջվում, բայց խորհուրդ է տրվում	✓
Կյանքի շրջափուլից կախված	✓	✓	Հազվադեպ	Որպես կանոն
Բնապահպանական ուղղվածություն	Բնապահպանական (և սոցիալական) չափանիշների ամբողջ փաթեթ	Կոնկրետ բնապահպանական ազդեցություն	Կոնկրետ բնապահպանական ազդեցություն	Ընդհանուր ազդեցություն (հաճախ ցուցադրվում է աղյուսակի տեսքով)
Արարանքների միջև համեմատելիության հնարավորություն	Երբեմն	Երբեմն	---	Որպես կանոն
Ներկայացման եղանակ	Կնիք կամ պիտակ	Կնիք կամ պիտակ	Հայտարարագիր, երբեմն կնիքով կամ գրաֆիկական տարրով	Սպրանքի էկոլոգիական հայտարարագիր
Ներկայացման տեսակ	Ձեռնարկություն-սպառող	Ձեռնարկություն-սպառող	Ձեռնարկություն-սպառող	Ձեռնարկություն-ձեռնարկություն

Արտադրանքի կյանքի ցիկլ



➔ www.eu4environment.org

© 2022 ՄԱԿ ՇՄԾ. Բոլոր իրավունքները պաշտպանված են: Արտոնիշի է էկոլոգիայի ոլորտի պայմաններով


Action implemented by:





Որո՞նք են **Էկոպիտակների** առավելությունները ?

Տեղեկատվություն արտադրողների համար



Էկոպիտակներն օգնում են ընկերություններին՝

Բարձրացնել մրցունակությունը

- Օգտվելով էկոլոգիապես մաքուր ապրանքների և ծառայությունների նկատմամբ սպառողների աճող պահանջարկից
- Բացելով նոր կամ ընդլայնելով արդեն իսկ գոյություն ունեցող շուկաները (ներքին և միջազգային)
- Բարելավելով կայուն պետական գնումների հասանելիությունը

Հիմնել երկարաժամկետ կայուն, արդյունավետ արտադրություն՝

նախնական ներդրումներ կատարելուց հետո

- Կրճատելով ռեսուրսների օգտագործումը
- Չափելով արդյունավետությունը՝ հետագայում շրջակա միջավայրի վրա ազդեցությունը նվազեցնելու նպատակով

Խթանել կայուն («կանաչ») ապրանքանիշով **արտադրանքը**, որն առանձնանում է և ձեռք է բերում սպառողների վստահությունը

Բարելավել նրանց հեղինակությունը բնապահպանության և կայուն զարգացման ոլորտում

Սպառողների համար ապահովել հուսալի չափանիշ՝

նվազագույն ջանքերով **էկոլոգիապես մաքուր արտադրանք ընտրելու համար**

Էկոպիտակների **ազդեցությունը** շրջակա միջավայրի վրա¹

Տարեկան **21 000** տոննա
CO₂ արտանետումների խնայողությունները
կարելի է վերագրել Նոր Զելանդիայում ECNZ-ի կողմից
արտոնագրված զուգարանի թղթի վաճառքին (որը
համարժեք է Փարիզից Նյու Յորք հնքնաթիռով
երկկողմանի 21 ուղևորությունների):



Հնդկաստանում «GreenPro»
պիտակով ցեմենտի և բետոնի
օգտագործումը հանգեցրել է տարեկան
ջերմոցային գազերի արտանետումների
գրեթե **6,5** մլն տոննայով
կրճատմանը:



Չինաստանի բնապահպանական
պիտակավորման ծրագրով հավաստագրված
տափչով բազմաֆունկցիոնալ սարքերի վաճառքի և
օգտագործման շնորհիվ 2018 թվականին
Չինաստանում հնարավոր է եղել խնայել գրեթե

10 մլրդ կՎտ/ժ

էլեկտրաէներգիա



¹ Measuring the Performance of Ecolabels.
Global Ecolabelling Network, 2019.

➔ www.eu4environment.org

© 2022 ՄԱԿ ՇՄԾ. Բոլոր իրավունքները պաշտպանված են: Արտոնալի է էլիտարությանը որոշակի պայմաններով

Action implemented by:





Էկոպիտակներից առավելագույնս օգտվելը

Տեղեկատվություն արտադրողների համար

Զգուշացե՛ք «կանաչ լվացումից»

ԵՄ շուկայի վերջին ուսումնասիրությունը ցույց է տվել, որ կայքերում ներկայացված բնապահպանական պահանջների 42%-ը չափազանցված է: Ընկերության կողմից կիրառվող բնապահպանական մեթոդների կամ որևէ ապրանքի կամ ծառայության բնապահպանական օգուտների հետ կապված սպառողներին մոլորեցնելը կոչվում է «կանաչ լվացում»: Արդյունքում սպառողները գնում են ապրանքներ, որոնք չեն տալիս այն, ինչ խոստանում են: Սա շփոթություն է առաջացնում և խաթարում է էկոպիտակների և դրանք օգտագործող ընկերությունների նկատմամբ վստահությունը:

«Կանաչ լվացումից» խուսափելու, ինչպես նաև ձեռնարկությունների և նրանց հաճախորդների միջև վստահություն ձևավորելու համար կարևոր է արտադրողներին տրամադրել ճիշտ էլակետային տեղեկատվություն՝ իրենց սեփական բնապահպանական պահանջը կազմելիս:

Ինչպես տրամադրել ապրանքի էկոլոգիական անվտանգության վերաբերյալ տեղեկատվություն¹

Անհրաժեշտ է կիրառել կյանքի ցիկլի վրա հիմնված մոտեցում՝ հնարավոր և իրական սոցիալական և բնապահպանական ազդեցությունները (արդյունահանումից մինչև հեռացում) բացահայտելու համար: Ռեսուրսների խելամիտ օգտագործման պահանջները պետք է հիմնված լինեն հինգ հիմնարար սկզբունքների վրա՝



ՀՈՒՍԱՆԻՈՒԹՅՈՒՆ



ԹԱՓԱՆՑԻԿՈՒԹՅՈՒՆ




ԱՐԴԻԱԿԱՑՈՒԹՅՈՒՆ



ՀԱՍԱՆԵԼԻՈՒԹՅՈՒՆ



ՀՍՏԱԿՈՒԹՅՈՒՆ



Բացի այդ, հաշվի առեք կայուն զարգացման բոլոր տնտեսական, սոցիալական և բնապահպանական ուղղությունները, ընդգծեք ձեր արտադրանքի կամ ծառայության երկարաժամկետ դրական ազդեցությունը, գտեք ձեր ուղերձը տարածելու նորարարական եղանակներ, աշխատեք գործընկերների հետ՝ ձեր նկատմամբ վստահությունը բարձրացնելու համար և օգնեք սպառողներին համեմատել ապրանքները:

¹ Guidelines for Providing Product Sustainability Information. United Nations Environment Programme, 2017. https://app-onet.tbf.dev/sites/default/files/from-crm/guidelines_executive_summary.pdf

Video. Guidelines for Providing Product Sustainability Information. United Nations Environment Programme, 2021. https://www.youtube.com/watch?v=wOOb-n_RUKVE.



Ինչպես ձեռք բերել I տիպի էկոպիտակներ

Տեղեկատվություն արտադրողների համար



Ինչպես ձեռք բերել Ecolabel էկոպիտակ և արտահանել ձեր արտադրանքը Ecolabel շուկա

Ecolabel էկոպիտակը I տիպի շնորհման համակարգ է, որը ղեկավարվում է Եվրոպական հանձնաժողովի և Ecolabel անդամ երկրների կողմից: Պիտակը հասանելի է 11 ապրանքային խմբերի համար՝ մաքրող միջոցներ, հագուստ և տեքստիլ, երեսպատման նյութեր, տնային պայմաններում աշխատանքի համար նախատեսված սարքեր, էլեկտրոնային սարքավորումներ, կահույք և ներքնակներ, այգեգործություն, հանգստի հարմարություններ, քսանյութեր, թուղթ, անձնական և կենդանիների խնամքի միջոցներ:



Յոթ քայլ՝ էկոպիտակ ձեռք բերելու համար

- 1 Դիմեք Ecolabel կամ Եվրոպական տնտեսական տարածքի այն երկրի իրավասու մարմնին, որը Ecolabel էկոպիտակի ստացման հայտերի և լիցենզիաների հարցերով պատասխանատու անկախ կազմակերպություն է, որտեղ գտնվում է կամ վաճառվելու է ձեր արտադրանքը: Իրավասու մարմինը կտրամադրի ուղեցույց հետագա քայլերի վերաբերյալ:
- 2 Գրանցեք ձեր ապրանքը կամ ծառայությունները Ecolabel էկոպիտակի առցանց կատալոգում (ECAT) կամ Ecolabel էկոպիտակի տուրիստական օբյեկտների կատալոգում:
- 3 Կազմեք գրանցման ձեր հայտն այնպես որ իրավասու մարմինը կարողանա գնահատել չափանիշների ձեր համապատասխանությունը:
- 4 Վերկայացրեք ձեր հայտագիմումը և վճարեք հայտի և տարեկան վճարները:
- 5 Սպասեք, մինչև ձեր հայտագիմումը գնահատվի:
- 6 Ստացեք ձեր հայտի հաստատումը և Ecolabel էկոպիտակի լիցենզիան:
- 7 Վերկայացրեք և գովազդեք Ecolabel էկոպիտակով ձեր ապրանքը կամ ծառայությունները:

Ecolabel էկոպիտակի արժեքը¹

Ecolabel էկոպիտակի օգտագործման արժեքը կախված է ձեր ձեռնարկության գտնվելու վայրից և չափից: Վճարները ներառում են դիմումի վճարները (200-ից մինչև 2000 եվրո), տարեկան վճարները (առավելագույնը 18 750 եվրո միկրո, փոքր և միջին ձեռնարկությունների, ինչպես նաև զարգացող երկրների ձեռնարկությունների համար) և տեսչական ստուգման վճարները: Ապրանքները էկոպիտակի չափանիշներին համապատասխանեցնելը, ինչպես նաև լիցենզիայի փոփոխությունը կամ երկարաձգումը կարող են լրացուցիչ ծախսեր առաջացնել:

¹ Ecolabel - How to apply. European Commission, n.d. https://environment.ec.europa.eu/topics/circular-economy/eu-ecolabel-home/how-apply_en

Action implemented by:



Design: Zoi Environment Network